

類

焦

類雋卷第十六

勾吳盧舟鄭若庸纂輯

山東按察司副使古虞百樓鍾 穀

校閱

戶部陝西司主事西蜀少川王用楨

戶部福建司主事古粵礪山鍾 昌

工部營繕司員外四明夢韓張大器

同閱

臨清州知州古完呂珩 校正

太學生汪珙校梓

衣服類

冠

韜髮釋名云冠貫也所以韜髮也**象制**與服志

云上古穴居野處毛衣而胄皮後代聖人易之

見鳥獸有冠角頰胡之制遂作冠冕纓綉**進賢**

與服志云進賢冠古緇布冠儒者之服也前高

七寸後三寸長八寸公侯三梁中二千石以下

至博士兩梁千石以下至小吏一梁**冠始**三禮

圖云大古冠布齊則緇之後以爲冠冠之始也

却非三禮圖云却非冠宮殿僕射史服之高三

寸**却敵**三禮圖云却敵冠前廣四寸通長四寸

後高三寸衛士服之**文竹**周書云成王將加元

服周公使人來零陵取文竹為冠**草服**禮云黃

衣黃冠而祭注野夫黃冠黃冠草服也**雙綏**毛

詩云葛屨五兩冠綏雙只**素紕**禮云縞冠素紕

既祥之冠也**素冠**毛詩云庶見素冠兮**緇撮**毛

詩云臺笠緇撮緇布冠也**昭度**左傳云衡沈絃

緹昭其度也並冠飾**却首**穀梁云弁冕雖舊必

加於首**在首**春秋繁露云冠之在首玄武之象

也**五采**春秋合誠圖云天皇帝北辰星也含

元秉陽舒精吐光居紫宮中制御四方冠有五采
文黃帝冠黃文白帝冠白文黑帝冠黑文云云
品制禮記疏云黃冠而祭息田夫家語云大夫
請罪用白冠毳纓禮記云玄冠朱組纓天子之
冠也緇布冠組纓諸侯之冠也玄冠丹組纓諸
侯之齊冠也玄冠綦組纓士之齊冠也縞冠玄
武子姓之冠也垂纓五寸惰游之冠也玄冠縞
武不齒之服也居冠屬武自天子下達有事然
後纓又唐制云進賢冠者文武朝祭三老五更

之服也遠遊冠者親王之服也高山冠者內省
視內謁者之服也委貌冠者郊祀文武郎之服
也却非冠者亭長門侯之服也獬冠淮南子云
楚莊王好獬冠貊冠公孫屈子云屈到貊冠華
山莊子云宋鉞尹文為華山之冠以自表鳥卒
史云魯參鋤瓜三足鳥來萃其冠不免左傳云
衛太子蒯瞶之亂石乞孟魮敵子路以戈擊之
斷纓子路曰君子死冠不免結纓而死通梁淮
南子云楚莊王冠通組纓注通梁遠遊冠綏對

家語云哀公問孔子曰昔舜何冠孔子不對公
曰有問於子不對何也對曰舜之為君好生惡
殺任賢授能賢君舍是不遵而冠是問是以緩
對簡葵國語云定王使單襄公聘楚假道於陳
陳靈公與孔寧儀行父南冠以如夏氏單子歸
告王曰棄袞冕而南冠以出不亦簡葵乎端委
國語云周襄王賜晉文公命晉侯端委而入注
云玄端之服委貌之冠也觚冠淮南子云楚莊
王好觚冠楚國倣之注曰觚冠今力士冠胡瓦

切**歌冠**穀梁云哀公會晉侯吳子于黃池吳王夫差曰好冠來孔子曰夫差未能言冠而欲冠也注云不知冠有差等唯欲好冠**敗縱**桓子新論云魏牟見趙王王方使冠工製冠問治國於牟對云大王誠能重國若此二尺縱則國治王曰社稷至重而比之二尺縱何也牟曰大王製冠不使親近而必求良工者非為其敗縱而冠不成歟今治國不求良工而任其私愛此非輕國於二尺縱之效耶王無以應**愛穀**戰國策云

王升謂齊王曰王之愛國愛民不若王愛尺穀也王曰何謂升曰王使人為冠不使左右便辟而使工者何也為能之也今王治齊非左右便辟無使也臣故曰不如愛尺穀也

博山

梁書云

帝臨軒冠太子于太極殿舊制太子著遠遊冠

金貂蟬翠綬纓至是詔加金博山

芙蓉

神仙服

食經云漢武帝閒居未央殿有人駕白鹿冠芙蓉

冠曰我中山衛叔卿也

獬豸

漢官儀云獬豸

獸性觸不直故執憲者以其角形為冠

鐵柱

漢

官儀云侍御史周官也為柱下史冠法冠後以
鐵為柱也**鵠**史記云高祖時籍孺孝惠時閼
孺婉佞貴幸與上卧起故惠帝時郎中皆冠鵠
鵠具帶傅脂粉比閑籍之屬**交讓**漢記云馬援
與公孫述有舊援從異入蜀述見之令冠交讓
冠立舊交之位**九雲**漢武內傳云上元夫人戴
九雲夜光之冠西王母戴太真晨綬之冠**鵠尾**
漢官儀云虎賁冠插兩鵠尾鵠驚鳥中之勁果
者**苞稍**與服雜事云楚漢會於鴻門項籍圖危

高祖焚噲聞急乃裂衣包稍戴以為冠排入羽

營**宜履**

漢書云冠雖敝不以宜履

遠遊

魏史云

文帝與于禁詔曰昔漢高脫衣以衣韓信光武

解綬以帶李忠誠皆人主當時貴敬功勞今以

遠遊冠與將軍

觸燭

齊書云陸雲公善變恭嘗

夜侍武帝冠觸燭火帝笑謂曰燭燒卿貂帝將

用為侍中故以此戲之

採薪

又云江淹年十三

孤貧嘗採薪以養母曾於樵所得貂蟬一具將

鬻以養母母曰此汝之休徵也汝才行若此豈

長貧賤可留待得侍中著之後果拜侍中

獬皮

梁書云陳伯之好著獬皮冠

鹿皮

梁書云張欣

泰為直閣部兵校尉領羽林監著鹿皮冠挾素

琴啓武帝帝曰將家兒何敢作此舉也

輕金

唐

杜陽編寶曆二年游東貢舞女戴輕金冠以金

絲結之為鵞鶴狀仍飾以五彩細珠玲瓏相續

可高一尺秤之无二三分

冠銘

冠銘云居高無

忘危在上无忘敬懼則安敬則正

齊光

左思魏

都賦云藹藹列侍金貂齊光

雋民

陸詩云冠冕

無醜士長纓皆雋民

冕

黻纁

通典云黃帝作冕黻纁示不聽讒言也

皂

表

又云平冕皂表朱系裏纁七寸長二寸加於

通天冠上前員后方垂白玉珠有二旒以珠組

為纓

垂旒

又云黃帝作冕垂旒目不邪視

德化

又云堯舜以德化為冠冕

繁露

古今注云牛亨

問冕旒稱繁露何也荅曰綴而下垂如露之繁

多故曰繁露

逡迤

禮云天子玉藻十有二旒前

后邃延出冕前后天子五彩藻為旒旒十有二
延冕上覆也**品制**志云衮冕者一品之服也鵲
冕者二品之服也毳冕者三品之服也絺冕者
四品之服也玄冕者五品之服也平冕者郊廟
武舞即之服也

弁

持髮白虎通云弁之為言禁持髮也**弁名**釋名
云弁如兩手相合拊持也以爵韋為之謂之爵
弁以鹿皮為之謂之皮弁以韎韋謂之韋弁**爵**

弁與服志云爵弁一名冕廣八寸長尺二寸如

爵形前小後大其上似爵頭色有收持筭所謂

夏收殷畝虛與反者也祠天地五郊明堂雲翹

舞樂人服之**韋弁**三禮圖云爵弁士助君祭之

服以祭其廟无旒**韋弁**王及諸侯其服也**皮弁**

與服志云皮弁與委貌同制長七寸高四寸制

如覆杯前高廣後卑銳所謂之母追殷之章甫

者也行大射禮辟雍公卿諸侯大夫行礼者冠

委貌執事者冠皮弁衣都麻衣**弁師**周禮云弁

師掌王之皮弁會五彩玉璽象邸玉笄璽綦同
結也縫中貫結五綵王者**玉飾**曹褒云天子弁
以白玉飾**瓊弁**左傳云楚子玉自為**瓊弁****神弁**
鄴中記曰石季龍官婢數十盡著皂構頭著神
弁如金礼先冠西王母交帶靈飛紋上元夫人
佩鳳文臨華綬**麟章**漢書云王莽初猷新樂於
明堂太廟羣臣冠麟章之弁**麟文**毛詩云淑人
君子其弁伊**麒****告朔**家語云諸侯皮弁以告朔
於太廟**雀弁**成王崩伯相命士須材二人雀弁

執惠立于畢門之內注雀弁韋弁也**如星**詩云
會弁如星**五冕**周禮云弁師掌王五冕皆玄冕
朱裏延紐**品制**志云爵弁者六品以下九品以
上從祖之服也武弁者武官朝參殿廷武舞郎
堂下鼓人鼓吹按工之服也弁服者文官九品
公事之服也

幘頭

四脚曾公類說云後周武帝裁為四脚服頭**高**
頭炙轂子云隋大業中著巾子以桐木為之內

外皆漆又賜百寮絲葛巾子呼為高頭樣**裹頭**
唐史云馬周議裹頭左右各三摺象三才重繫
前脚法二儀詔從之**木斫**朱子語錄云唐人幞
頭初止以紗為之後以其軟逆听木作一字在
前觀起名曰軍容頭其說以為起於魚朝恩一
時人爭効之士大夫欲為幞頭則曰為我斫一
軍容頭未及朝恩被誅人以為語識**僭禮**又云
盖唐明皇已帶長脚幞頭或云藩鎮僭礼為之
遂為此樣**桐木**又云五代時惟人君得裹兩脚

者桐木山子相承用**藤織**又云本朝易以藤織者而以紗帽之近時方易坯紗嘗見南溪紗漠一士夫家尚收得上世所藏幞頭猶是藤織坯子唐制又有兩脚上下者亦莫不曉**翼善**又云唐太宗嘗以幞頭起於後周便武事者也方天下偃兵採古制為翼善冠自服之又製進德冠以賜貴臣

帽

著帽

晉書云謝安為桓溫司馬溫詣安直其理

髮安性遲緩久而方罷使取幘溫見晉之曰令
司馬著帽進見重如此**競遺**又云王濛美姿資
貌嘗著破帽入市上嫗競遺之新帽**狐皮**宋沈
慶之討沔北諸山蠻大破之群蠻皆稽顙慶之
患頭風好著狐皮帽群蠻惡之號蒼頭公**殺帽**
實錄云唐初以敕為之以隔風塵**綉帽**唐書云
李晟收京師每與朱泚戰必錦裘綉帽自表李
懷光惡之箴曰將務持重豈宜自表裸為賊餌
哉晟曰昔在涇原士頗相畏伏欲令見之奪其

心耳烏紗杜詩云風過落烏紗白帽又云白帽
應嫌似管寧籠頭盧仝云柴門反闕无俗客紗
帽籠頭自煎吃

巾

圓頂唐車服志云賜供奉官及諸司長官則有
羅巾圓頂巾子后遂不改折角史云郭林宗遇
雨其中墊而折其後學者著冠莫不折其角葛
巾蜀志云諸葛武侯與宣皇在渭濱將戰宣皇
戎服泣事使人視武侯乘素車葛巾羽扇指麾

三軍皆隨其進止宣皇聞而嘆曰可謂名士也

漉酒

陶潛在家酒熟取頭上葛巾漉酒畢還復

著之

僕射

裴冕自製巾子工甚人爭效之號僕

射巾

尖巾

前蜀王衍好裘尖巾其狀如錐

折皂

地理志云湖州土貢折皂巾

踣樣

唐史云周武

后擅政多賜群臣巾子綉袍勒以回文之銘皆

无法度不足紀至中宗又賜百官英王踣樣巾

帝在藩時冠也

白氍

光明巾

白氍

杜

蓮花

李白

云吳江女道士頭戴蓮花巾

品制

唐制平巾幘

者武官衛公子之服也黑介幘者國官視品府
优謁府國子太學生四門生俊士叅見之服也
介幘者流外官行署及三品以下登歌工人之
服也綠幘者尚食局主膳典膳局典食大官署
食官署供膳奉解之服也

幘

覆髻光武紀云覆髻謂之幘又謂之承露**嚴首**
與服志云幘者積也順嚴首順也**救日**決疑要
法云凡救蝕日皆着赤幘以助陽也**迎氣**與服

志云迎氣五郊各如其色從章服也**糾幘**又云
凡齋**糾幘**耕青幘秋驅緋幘**赤幘**又云武吏常
赤幘成其威也**垂干**通典云虎賁羽林郎將皆
赤幘陞衛垂干**無屋**又云未冠童子幘無屋者
未成人入學小童幘也句卷屋示尚幼小未遂
冒也**高顏**輿服志云秦加武將首飾為絳帕以
表貴賤漢興續其顏文帝乃幘其高后**无巾**蔡
邕獨斷云元帝額有壯髮不欲使人見始進幘
服之群臣皆隨焉然尚无巾

裘

皮衣

說文云裘皮衣也

釋義

白虎通云所以佐

女工取溫也古者緇衣羔裘黃衣狐裘禽獸衆多獨以狐羔取其輕煖因狐死首丘明君子不忘本也羔取其跪乳遜順也**始裘**禮記云孟冬之月天子始裘**楊襲**禮云執玉其有籍者則楊其无籍者則襲注籍繅文襲謂文質相交變又云楊襲之不相因欲民之无相瀆也注不相因者或以楊為敬或以襲為敬禮盛者以襲為敬

執玉圭之屬也。禮不盛者為敬，受享是也。**示質**。
周官云：司裘掌為大裘以供王祀天之服。注：大
裘羔裘以示質。**良裘**。禮云：中秋獻良裘乃行羽
物。注：良善也。王所服也。行羽物飛鳥。**功裘**。又云
季秋獻功裘以待班賜。**見美**。禮云：裘之裼也，見
美也。**黼裘**。五經要義云：諸侯黼裘以誓田。雜羔
狐裘為黼文也。**錦裼**。禮記云：狐白裘錦衣以裼
之。注云：以素錦為衣袒而見衣曰裼。**豹飾**。詩云
黑裘豹飾。孔武有功。**不衣**。記云：童子不衣裘裳。

注為大溫也。**繒覆**五經要義云古者著裘於內

而以繒衣覆之乃加以朝服會之時袒其朝服見裘裏覆衣謂之裼裼之言露可見之辭所以示美呈好而為飾加以朝服謂之襲袒謂之裼大裘不覆反本取其質也。**反衣**漢記云陽興謂史高曰將軍所舉不過門下賓客富貴而列士不舉是有狐白之裘而反衣也。**鳳毛**拾遺記云周昭王以青鳳之毛為二裘一曰煥眉一曰暄肌常以禦寒也。**豹褫**管子云武王為侈靡令曰

豹褫豹裘方得入廟故豹皮百金功臣之家裘千金而未得一豹皮**焦袖**左傳云齊以邾其衛侯右宰穀從而逃歸衛人將殺之穀辭之曰余不悅初矣余狐裘而羔袖乃赦之注曰狐裘羔袖言一身盡善唯少有惡喻已雖從出其罪不多**玄狐**黃帝出軍決云黃帝伐蚩尤未克西王母遣人被玄狐之裘以符授之**翠雲**宋玉風賦云主人之女翳承日之華被翠雲之裘**黑貂**戰國策云蘇秦說李兌兌遺之黑貂裘游秦不用

貂裘盡敝

獻楚

蔡昭侯為兩美裘以如楚獻其

一獻于昭王自服其一楚相子常欲之弗與諗

之晉楚三年蔡侯知之乃獻其裘于子常始得

歸蔡請晉伐楚

不受

孔叢子云子思在衛緼袍

无表田子方遺其狐白之裘不受曰吾聞遺人

食物不肯受者如棄物于溝壑中吾雖无德不

敢以身為溝壑遂不受

盜獻

史云秦囚孟嘗君

說幸姬求解姬曰願得君狐白裘時狐白裘已

獻昭王有客能夠盜入秦宮藏內盜得獻之遂

得歸**粹白**呂氏春秋云天下无粹白之狐而有

粹白之裘取諸衆也**鈞澤**傳云嚴光披羊裘釣

澤中**鵠鵠**西京雜記云司馬相如與卓文君還

成都若貧愁憊以所服鵠鵠裘就市鬻酒與文

君為歡**言光**方朔十洲記云漢武帝天漢三年

西國王獻吉光毛裘色黃蓋神馬之類入水不

沉入火不焦**浮光**唐杜陽編云敬宗寶曆元年

南昌國進浮光裘即紫海水染其色也以五彩

成龍鳳綴以五彩明珠上衣之以獵北苑為

朝日所照光彩動搖一日從禽忽值暴雨而裘
畧无沾潤上異之雉頭咸寧起居注云大司馬
程據上雉頭裘一領詔曰據此非常衣服消費
功用宜於殿前燒之鶴鷄世說云王恭時乘高
輿披鶴氅裘大布傳云張志和常欲以大布製
裘嫂為躬績及成衣之雖暑不解玄狐傳云太
宗即位西域高昌獻玄狐裘塵積傳云武攸緒
王公所遺塵裘塵皆流積集翠傳云則天皇后
賜狄仁傑集翠裘

衫

釋名

劉熙釋名云衫芟也衣无袖端也

單襦楊

雄方言云陳魏宋楚之間謂之檐或謂之單襦
晉東宮舊事云太子納妃有白縠白紗白絹衫
並紫結纓**火浣**魏文帝列傳云吳選曹令史劉
卓病夢見一人以白越單衫與之言曰汝著衫
汗火燒便潔也卓竟果有衫在側汗輒火浣之
絳納宋起居注云太始三年御史中丞羊希奏
山陰令謝沈親憂未降常著青絳納兩檔衫即

免沈**納布**沈約宋書云徐湛之每會稽公主高

祖微時有納布衫袄等衣皆是敬皇后手自作

高祖既貴以此衣付公主曰後代若驕侈不節

者可以此示之**籠桶**沅花旅地志云籠桶衫袖

巾皆蜀人奉親之服**綠暈**影灯記云嘗以紅圈

帔綠暈衫**欄袍**唐車服志云太孫長孫无忌議

服袍者下加欄緋紫綠皆視其品庶人以白**欄**

衫唐新志云士人以棠苧欄衫為上服貴女工

之始也一命以黃再命以黑三命以纁四命以

綠五命以紫士服短褐庶人以白中書以周上
議礼无服衫之文三代之制以深衣請加襴衫
標襪為士人上服開髀者名曰軼髀衫庶人服
之**服妖**史云開元中奴僕服襴衫而仕衣女胡
服其后安祿士反當時以為服妖之應

深衣

五法記云深衣五法已施聖人服之故規矩取
其无私繩其取直權衡取其中故先王貴之**三**
祛王藻云深衣三祛縫齊倍要袷當房袂可以

圓時長申繼掩尺拾二寸袂尺二寸緣廣寸半
白布記王制云有虞氏皇衣而祭深衣而養老
疏謂白布衣以質用白布也**圓肘**禮云深衣袂
可以圓肘注言寬也

褐

无褐毛詩云无衣无褐何以卒歲**寒賤**左傳云
吳中叔儀乞糧於公孫有山氏曰佩玉纁纁余
无所擎之旨酒一盛兮余與褐之注褐寒賤之
人**寬傳**孟子云北宮黝之養勇也不膚撓不目

迹思以一毫挫於人若撻之於市朝不受於褐
寬博亦亦不受於萬乘之君視刺萬乘之君若
刺褐夫**褐**傳云張良游下邳圯上有一老父褐
至良所**作衣**後本傳云王望遷青州刺史州郡
太早望行部道見飢者裸行草食愍然哀之因
以便宜出布票給其廩糧為作褐衣**到闕**史云
德宗召拜陽城為諫議大夫遣長安尉賁東帛
至其家城褐衣到闕下辭讓帝遣中人持緋衣
衣之

裙

釋名

釋名云裙連接裙幅也緣裙裙拖緣也**統**

衿

楊雄方言云陳魏之間謂被為帔音披統衿

謂之裙

禿裙

續漢書云漢明德太后禿裙不緣

長裙

五行志云獻帝時女子好為長裙而上甚

短西京雜記云趙飛鸞立為皇后其弟上遺織

成裙

複裙

晉東宮舊事云皇太子納妃有絳紗

複裙絳碧結綾複裙丹碧紗紋雙裙紫碧紗紋

雙裙紫碧紗紋綉纓雙裙紫碧紗雙縠裙丹碧

紗文羅裙

細綺

古樂府陌上採桑云秦氏有好

女自名為羅敷細綺為下裳紫綺為上襦

薜荔

楚詞云採薜荔以為裳

芙蓉

楊雄反離騷云衿

芰荷之綠衣兮被芙蓉之朱裳

白蜺

楚詞云青

雲衣兮白蜺裳舉長矢兮射天狼

青羽

真人三

君內傳云南極夫人被錦服青羽裙也

細絳

晉

循復山陵故事云梓宮衣物有細絳雙裙之腰

四等

汝南先賢傳云戴良嫁女綠裙四等

三條

繫欽定情詩云何以合歡欣純素三條裙

袴

大袼

釋文大袼袴也

五袴

傳云廉范字叔度為

蜀郡太守火禁嚴備水人歌曰廉叔度來何暮

不禁火人安堵昔日无襦今五袴**通健**傳云賈

逵貧无袴晨著妻兄柳季袴而去時人謂之通

健也

皮袴

傳云馬援牛羊散與故舊身衣皮袴

袴褶

傳云崑崇敬時百官朝朔望皆服袴褶崇

敬非之建言三代逮漢无其制隋以來始有服

者事不稽古宜停詔可

率士

傳云婁師德檢校

豐州都督衣皮袴率士屯田**櫛袴**倉貨志云初
德宗居奉天儲蓄空窘嘗遣卒視賊以苦寒乞
襦袴帝不能致別親王帶金而鬻之**通身**異域
志云撲子蚩以青姿羅為通身袴**蘭縑**雲仙散
錄海墨微言曰李白游慈恩寺僧用水松牌乞
詩白為題記僧獻蘭縑袴

襪

登席傳云楮師声子襪而登席云臣有疾異於
人若見君將毀之注古者臣見君解襪有疾謂

足疾也設設嘔吐者也

蹊蹠

古賦云羅襪蹊蹠

而容與

塵

文選云羅襪生塵

結襪

傳云張釋

之為王生結襪

錦初

唐太真外傳云妃子死之

日馬嵬媼得錦初襪一隻相與過客一翫百錢

獲錢无数

凌波

李白寄遠詩云盈盈漢水若可

越可惜凌波步羅襪

不襪

杜甫北征詩云垢膩

脚不襪

布襪

杜甫詩云青鞋布襪從慈始

遺香

劉禹錫馬嵬行云不見嘖畔人空見凌波襪郵
童愛蹤跡私手解繁結傳看十萬人綏絕香不

歇

結襪

文粹云武王罷朝而襪絲絕衛褚師呼

声子結襪而登

龍綢

幽怪錄云巴邛人家橘園

有兩大橘如三斗盎剖開每橘有二老叟皆相

對象戲一叟曰我輸呵母女熊盈娘子躋虛龍

縞襪八納

鴉頭

李白詩云履上足如霜不着鴉

頭襪

襪線

長北夢瑣言云偽蜀吏部尚書韓昭

多能而皆精于朝士李白云韓八座事業如折

襪線无一條

穢襪

劉禹錫嘉話元載賜死主者

以穢襪塞其口而終

紅藥

杜甫千秋節有感詩

云羅襪紅蕖艷

履舄

舄

列仙傳云王喬為鄴縣令每朝乘二舄乃

舄也

豹舄

傳云雨雪楚王皮冠豹皮為舄

跪授

史云黃石公墜舄令張良取之良跪授之

織履

高士傳云陸仲子織履以為食樂在其中

五兩

詩云葛屨五兩几几亦舄几几

不納

古詩云君

子防未然不虞嫌疑間瓜田不納履李下不整

冠

履歷

史云鄭崇字子游為尚書數上書諫上

上笑曰我識鄭尚書履聲**解履**礼云侍坐於長者履不上於堂解履不敢當階就履跪而舉之屏於側**補履**莊子云千將補履不如兩錢之錐**菲履**左傳云鄭申侯見齊侯曰若師出于陳鄭之間供其資糧菲履其可也注云菲履草履也**絰履**禮云國家菲敝君子不履絰履**乘捧**傳云禹治水山行乘輦注丘遥反復下半寸如錐**抵面**滕王元嬰常為典籤崔簡妻鄭嫚罵以履抵面元嬰以血流乃免**鹿華**朱姚推長史竇軌遺

以衣服麕幘麕鞞委之地不肯服**枕履**史云元德秀家惟枕履梭屨傳云張志和梭屨**高頭**五行志云文宗時吳越間織高頭草履如綾縠前代所无履下物也織草為之又非正履而被以文飾盖陰斜關茸泰侈之象**墮舄**明皇錄云玄宗貴妃楊氏每十月帝幸華清宮五宅車騎皆從國忠導以劍南旗節遺鈿墮舄狼籍于道**飛****雲**樵人直說云白樂天燒丹于廬山草堂作飛雲履玄綾為質四面以素綃作雲染染以四選

香振履則如煙霧曰吾足下生雲不久上昇天
府矣**百合**唐二儀錄云大曆中進五朶草履建
中間進百合履**露舄**韓愈詩云暄晨跣露舄**桃**
絲青州雜記云青齊間桃花有一種盛開時垂
絲二三尺者採之練以松脂迺相纏織成圭履
寄住都下人皆不辦何物**逴游**李白送人游南
嶽云足下逴游履凌波生素塵**五朶**唐實錄云
大曆中進五朶履**蒲靽**九國志云江南李昇常
履蒲靽**扉履**世本云於則作扉履**釋名**釋名云

履札也飾足以為札亦曰履拘也所以拘於足

也**不惜**齊人謂草履云罪不借言賤易有宜各

自蓄不假借也**履制**賈子云天子黑方履諸侯

素方履大夫素圜履晉令履云士卒百工履色

无過綠青白奴婢履色无過純青古繪賣者一

足著白履一足黑履並鐵論曰古者庶人屨罪

草履今富者韋沓絲履**養體**孫卿子云籠絲之

履可以養休也**跪遷**禮記云嚮長者而履跪而

迁履俯而納履**丹豹**王子年十遺記云穆王起

春霄之宮西王母來馬納丹豹文履**織履**皇甫
謐高士傳云陳仲字子終齊人適楚楚王欲以
為相子織履以為食恬淡而无為樂在其中矣
乃謝使者**補履**列仙傳云嘯父在曲周市補履
數十年奇其不老**自結**韓非子云晉文公與楚
人戰至鳳皇之陵絲履墮因自結之**履決**賈誼
子云昔楚昭王與吳人戰楚軍走而履決失之
行三十步復旋取左右問曰何惜是一跣履乎
王曰楚國雖貧豈愛一跣履哉思與偕出弗與

入也履霜毛詩云糾糾葛屨可以履霜行雪史記云東郭先生待詔公車貧困飢寒衣敝不完行雪中履有上无下足盡踐地道中人笑之

衣服

法度

月令云季夏命有司染彩黼黻文章必

法度無或差忒黑黃蒼赤莫不質良給郊廟祭祀之服以爲其章以別貴賤等級之度有量又云季秋命有司具飾衣裳文綉有恒衣服有量冠帶有常必循其故差服周禮云太宰以九

式均節財用四曰羞服之式**司服**又云掌王之
吉凶衣服辨其名物與其用事**旗章**又云郊廟
祭祀之服以爲旗章以別其貴賤等級之度者
也**展衣**釋名曰展衣展坦也坦然正白無文采
也或作禮**不鬻**又云衣服不鬻於市**在躬**又云
衣服在躬而不得其名爲罔注罔然無知之貌
楊襲又云楊襲禮之文也注衣服或楊或襲之
文以禮也**有別**又云衣服有別**耻服**又云君子
服其服則文以君子之容是故君子耻服其服

而無其容

不漱

礼云諸母不漱裳

三命

又云一

命緼黻黹衡再命赤黻黹衡三命赤黻葱衡注

緼亦黃色

象天

又云郊祭之日王被袞吕象天

戴冕藻十有二旒則天数也

服制

新志云礼無

服衫之文士人吕棠苧欄衫為上服貴女功之

始也一命吕黃再命吕黑三命吕纁四命吕綠

五命吕紫士服短褐庶人吕白中書令馬周上

議礼無服衫之文三代之制吕深衣靖加欄袖

標襪為士人服開髀者名曰缺髀衫庶人服

正

色

礼云衣正色裳間色

鞠衣

周礼云内司服掌

王后六服鞠衣注鞠服黃桑服也

作服

書云帝

曰予欲觀古人之象日月星辰山龍華蟲作繪

宗彝藻火粉米黼黻絺綌呂五采彰施五色作

服汝明

旌礼

傳云服呂旌礼

身正

又云衣身之

章也

在笥

書云惟衣裳在笥

安吉

毛詩云豈曰

無衣七兮不如子之衣安且吉兮

不稱

又云彼

其之子不稱其服

致刺

詩序云衛君好潔其衣

服作詩呂刺之云蜚蜚之羽衣裳楚楚蜚蜚之

翼采采衣服蜉蝣掘閱麻衣如雪**卒歲**詩云無
衣無褐何呂卒歲**薄汚**又薄汚我私又薄汙我
袒服左傳陳靈公與孔寧儀行父通於夏姬
皆衣其袒服呂戲於朝注袒近身衣**希旨**南史
云何敬容為吏部尚書梁武帝雖衣浣衣而左
右衣必須鮮潔敬容希旨常呂膠青刷鬚衣裳
不整伏牀熨之或暑月背為之焦**紵衣**孟子云
舜被紵衣鼓琴**綺縠**春秋後語云田文謂其父
靖郭君曰君後宮蹈綺縠之衣而士不得短褐

偏褰

國語云晉獻公使太子申生伐東山衣之

偏褰**綱衣**

拾遺記云西方析淪國其俗淳和人

壽三百歲綴草毛為綱衣亢行六年獻綱一襲

帝惧後世徵求之焚於九達之道**衣蓐**

說苑云

齊林既著衣蓐朝景公公曰何服小人衣耶林

既曰衣狗裘者不必狗吠服羊裘者不必羊鳴

今君衣狐裘能狐鳴乎

圭刀

釋名曰婦人上服

曰圭其下璽者上廣下狹如刀圭也襦屬也衣

裳上下相連屬

檐蔽

爾雅云衣蔽前謂之檐注

今蔽膝也。**不衷**春秋傳云服之不衷身之災也

去地漢記云朱博子元為瑯邪守勅功曹官屬

多褻衣大袼袼袴也不中節自今掾吏衣皆去

地三寸。**三褚**漢書云帝賜南粵王佗上褚五十

衣中褚三十衣下褚二十衣注呂綿裴衣曰褚

麤故齊書云高帝手詔賜張蠡衣曰見卿衣服

粗故誠乃素懷有本久再縑縷亦虧朝望今送

一通故衣意謂雖故乃勝新也是吾所着已令

裁稱卿之軀。**梁補**南史云到溉性率儉朝服或

至穿補**諸于**後漢書云更始時授官爵皆辟小

賈豎膳夫庖人多着綉面衣錦袴檐褕諸于智者見之目為服之不衷也注曰諸于大掖衣也方言曰檐褕其短者自關西謂之梳屈郭璞云俗名襦掖據此即是諸于上加綉裾如今之半臂也**檐褕**邊讓別傳云讓才辨俊逸孔蝸薦於魏武曰邊讓為九州之被則不足為單衣檐褕則有餘**自煖**宋書云謝超宗嘗詣東府門自通其日風寒高帝謂四座曰此客至使人不衣自

煖

挂

齊書云陶弘景求明十年脫朝服挂神

武門上表辭祿詔許之

清約

後漢書云祭彤在

遼東幾三十年衣無蕪幅顯宗美其清約賜之

衣服什物無不悉備

清吏

魏氏春秋云王允為

吏部郎選郡守明帝疑其所用非次望其衣敗

曰清吏也

縣裳

淮南子云榮啟期衣若縣裳

續

漢云武帝末郡國賊盜群起暴勝之為直指

使者衣繡衣持斧捕之

稱疾

宋書云江湛為吏

部尚書無廉衣餘食嘗為上所召遇澣成疾經

日衣成然后起**大招**漢書朱博為卿邪太守勅

官屬多作裘衣大招不中節度自今掾吏衣令

去地三寸招袴也**五時**漢書事云高祖時令群

臣議天子所衣服曰安天下謁者趙充舉春季

舜舉夏倪湯舉秋貢禹舉冬五時衣始於此**五**

衣拾遺記云晉太始初頻斯國人來朝曰五色

玉為衣如今之鎧**題衣**拾遺記云任末年十四

好學觀書有合意處則題其衣裳及裳裡曰記

其事門徒悅其勤學更曰淨衣易之**縹緲**魏志

揚阜嘗見明帝着帽被縹綾不褻袖阜問帝曰
此於礼何法服也帝默然不荅自是不法服不
呂見阜**曳地**文帝賛云漢文帝所幸慎夫人衣
不曳地**披褐**又云桓溫入關王猛披褐而詣之
一面談當世之事捫虱而言旁若無人溫察而
異之**曳裾**鄒陽上吳王書云飾固陋之心則何
王之門不可曳長裾乎**還古**傳云劉允章咸通
中為礼部侍郎試諸生及進士第並謁先師衣
青衿介幘呂還古制**吳質**傳云來子珣遷游擊

將軍常衣錦半臂自異**散衣**李紳傳云河南惡
少危帽散衣**龍綃**杜陽編云元載寵姬薛瑤英
衣龍綃衣一襲無一兩搏之不盈一握**鰐碧**鳳
池編云李紳為相時倍尚輕綃紫鰐碧為婦人
衣紳自小君裁剪**毛裙**五行志云安樂公主使
尚方合百鳥毛織二裙正視為一色旁視為一
色日中為一色影中為一色而百鳥之狀皆見
其**一獻**韋后**新服**舊記云敕三品以上服紫
四品深緋五品淺緋六品深綠七品淺綠八品

深青九品淺青庶人服黃一品以上文官並帶
手巾等刀子礪石武官欵帶聽之九月百寮具
新服宴之

袍

長褐

身章最要云說文袍長褐也玉藻云纁為

衮纁為袍注云衣有著之異名纁謂今日衮雜
用舊絮名曰袍雖著有異名其制度則一至唐
服袍者下加欄緋紫綠皆視其品庶人白然
則今之有欄袍自唐始然襖與褐亦袍也不欄

葉或云周公抱成王宴居故施袍**逢掖**礼記云
孔子衣逢掖之衣逢掖其袖合而縫大云今袍
也下至賤也小史皆通制袍單衣皂綠領袍中
衣為朝服**無衷**孔叢子云孔伋緼袍無衷**解贈**
史云須賈入秦見范雎曰范叔一寒如此哉解
綈袍呂贈之**奪賜**鷄跖襍云宋之間獻詩武后
奪東方虬錦袍呂贈之**金字**傳云狄仁傑轉幽
州都督武后賜紫袍龜帶自製金字十二於袍
呂旌其忠**不棄**傳云楊炎自貶道州還家人呂

綠袍木簡棄之炎止曰吾嶺上一逐吏超登上
台可常哉且有非常之服必有非常之福安可
棄是乎**易綉**唐新志云唐諸衛大將軍中郎
下給袍者皆易其綉文千牛衛曰瑞牛左右衛
曰瑞馬驍衛曰虎武衛曰鷹威衛曰豹領軍衛
曰白澤金吾衛曰辟邪**袍制**又云其後紫為三
品之服金玉帶鈔十三緋為四品之服金帶鈔
十一淺緋為五品之服金帶鈔十深綠為六品
之服淺綠為七品之服皆銀帶鈔九深青為八

品之服淺青為九品之服皆鍮石帶鍮八黃為
流外官及庶人之服銅鐵帶鍮既而天子袍衫
皆用赤黃遂禁臣民服**寶鷄**酉陽雜俎云帝賜
安祿品目有金鷄紫羅緋羅立馬寶鷄袍**金烏**
李石傳帝曰吾聞禁中有金烏錦袍二昔玄宗
幸溫泉與楊貴妃衣之今富人皆有之**蜀櫛**傳
云肅授德宗時為翰林學士帝嘗幸其院會綬
方寢學士鄭絪欲馳告之帝不許時太寒呂妃
蜀櫛袍覆之而去**結緣**傳云開元中賜邊衣制

自宮中有軍校袍中得一詩云番意多添線含
情更着綿今生已過了再結後生緣持詩白師
帥呂聞明皇問之有一宮人自言萬死即已嫁
得詩者曰與汝結今生緣綫袍白樂天賀行簡
賜章服云吾年五十加散朝丹亦今年賜服章
齒髮恰同知命歲官銜俱是容曹即榮傳錦帳
花聯萼彩戲綾袍鴈趂行大抵着緋宜老大莫
嫌秋髮數莖霜草隨杜詩云春草隨青袍獸錦
又云獸錦奪袍新映羈又云金袍映玉羈寒贈

又云使君寒贈袍**珠袍**李白詩云玉帶明珠袍
綠雲古詩云姮娥剪就綠雲袍待來布蟾宮與
換

衾被

錦爛詩云角枕粲兮錦衾爛兮**衾裯**詩云抱衾
與裯注裯單被**合歡**古詩云客從遠方來遺我
一端綺文綵雙鴛鴦裁為合歡被**百領**史云帝
賜霍光錦被百領**共寢**史云姜肱兄弟共被寢
輕衾后漢書云李忠仲為大將軍世祖賜之輕

衾綉被**牛衣**傳云王章為諸生與妻居病無被卧牛衣編乱麻為衾俗呼之為龍且**覆被**傳云馮豹為郎奏事未報俯伏省闈從昏至明肅宗使期門郎覆豹錦被令勿驚**布被**史云公孫弘為三公卧布被絺詎呂鈞名又魏徵帝賜布被**質錢**傳云陽城嘗以木枕布衾質錢人重其賢爭售之**錦衾**五代史云康福嘗自言沙陀種有疾卧閤中寮左入問疾見錦衾相顧竊笑曰錦衾爛兮福聞之怒曰安得謂我為夷**引被**王勃

傳云屬文則酣飲引被覆面臥**神錦**杜陽編云
元和八年大軫國貢神錦被冰蠶絲所織也方
二天厚一寸其上龍文鳳彩殆非人工**神絲**史
云同昌公主堂中設神絲繡被繡三千鴛鴦間
以奇華異葉其精巧華麗絕比其上給呂靈粟
之珠如粟粒五色輝映**槳爛**韋蘇州長安道歌
下有錦鋪翠被之槳爛博山吐香五雲散**賜錦**
史云朱寵為大尉家貧卧布被朝廷乃賜錦被
招賢史云孟宗少游學其母作十二幅被呂招

賢士共卧庶聞君子之言
翡翠 楚詞云翡翠珠
被爛齊光

類雋卷第十六

終